

pidorum, castrorum, terrarum, uillarum & locorum, necnon iurium & bono-
rum dictae ecclesiae, cuiuscunque status, gradus, conditionis, dignitatis aut praemi-
nentiae, etiam si ducalis fuerint, poenas, sententias & censuras alias in dicto monito-
torio comprehensas & expressas, incidisse, ipsiusque Frederici ducis Austriae & aliorum oc-
cupatorum, detentorum, & alia loca quaecumque ecclesiastico supposita interdicto. Vn-
de eadem sacrosancta synodus diuersos & singulos uenerabiles fratres patriarchas,
archiepiscopos, episcopos ac dilectos ecclesiae filios abbates, priores, praepositos, deca-
nos, archidiaconos, scholasticos, cantores, thesaurarios & canonicos tam cathedralium
quam collegiarum, parochialiumque ecclesiarum rectores & loca tenentes eorundem,
al. psbyteros caeterosque plebanos curatos & non curatos, clericos, notarios & tabelliones publicos
per Italiam & Alamanniam constitutos, & alias ubilibet & eorum quemlibet insolu-
dum, ad quem uel ad quos praesentes nostrae litterae peruenerint, tenore praesentium
requirit, atque monet primo, secundo, tertio & peremptorio terminis, communiter
& diuisim, eisque & eorum cuiilibet in uirtute sanctae obedientiae & sub excommuni-
cationis poenae latae sententiae districte praecipiendo mandat, quatenus statim uisum praesentibus, dictum Fredericum ducem Austriae anathematis & sacrilegi uinculis in-
al. reum nodatum, periurique reatum, necnon poenas priuationis & inhabilitationis praedictas, ac eundem & occupatores ac detentores, uasfallos, nobiles, capitaneos, officarios
& subditos inobedientes & rebelles, praedictas poenas, censuras & sententias alias in
dicto monitorio contentas, incidisse, singulis diebus dominicis & festiuis in eorum ec-
clesiis, monasteriis & capellis infra missarum solennia, dum ibidem populi multitu-
do ad diuina audiendum aut alias congregata fuerit, etiam alias ubi & quando & quo-
ties expediens fuerit. Et postquam uigore praesentium ipsi seu aliquis eorum re-
quisiti fuerint, seu fuerit requisitus, pulsatis campanis, candelis accensis & demum
extinctis & in terram proiectis, publice denuncient & eurent, & ab alijs publice
quantum in eis erit, denunciari & euitari ab omnibus Christi fidelibus faciant & per-
mittant. Et praesentem nostram declarationem seu sententiam, & omnia & singula
in eis contenta, publicent, insinuent, & ad intellectum Christi fidelium astantium
exponant, & plenarie exequantur, donec & quousque super praemissis absolutionis
beneficium meruerint obtinere, & a praedictis rebellionibus destiterint, & debite
satisfecerint, aut aliud a dicta sacrosancta synodo uel futuro summo pontifice habu-
eritis in mandatis. Et quia idem Fredericus dux Austriae Pharaonis imitatus duriti-
em, more aspidis surdae obturauit aures suas, huius sanctae synodi preces & monita
suorumque amicorum & praefati regis sententiam & iurandum despiciens, tanta
exigente duritia, cogitur haec sancta synodus de finali remedio providere, cum nihil
prosit sententias ferre, nisi sit qui eas debitae executioni demandet. Committit ergo
al. reum praefata sancta synodus praefato charissimo filio ecclesiae defensori & aduocato Sigis-
mundo regi Romanorum semper Augusto, cuius specialiter interest, ad requisitio-
nem ecclesiae contritas & oppressas ecclesias restaurare, & ecclesiasticas personas a ui-
olentis & iniurijs defensare, & eandem sententiam executioni demandare, & caeteris
principibus ac Christi fidelibus, ut ad restitutionem dictae ecclesiae & ciuitatis
Tridentinae & omnium bonorum & iurium ipsius, & eius integram libertatem &
indemnitatem seruandam, contra dictum Fredericum Austriae ducem & alios occu-
patores & detentores praefatos, ut nostrum praefatum monitorium reale executioni
omnem obtineat, brachium impendant, fauorem & auxilium plenae & potentiae omni-
modae secularis. Decernit insuper haec sancta synodus ad pleniorum executionem ha-
bendam, processum contra omnes intrusos & intrudendos in dicta ecclesia & ciuitate
Tridentina, ac castris, oppidis, terris, uillis, locis possessiombus, iuribus & bonis eiusdem
& contra adherentes eidem duci Frederico & occupatoribus & detentoribus ac in-
trusis & intrudendis, ac contra dantes auxilium, consilium aut fauorem. Quem quis-
dem processum etiam omnes & singulos processus necessarios & opportunos com-
mittit